

ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԱՅՄԱՆԱԳԻՐ N 2

ք.Երևան

« 22 » հոկտեմբեր 2025թ.

ՀՀ հակակոռուպցիոն կոմիտեն, այսուհետ՝ «Պատվիրատու», ի դեմս գլխավոր քարտուղար Կարեն Մարգարյանը, որը գործում է Կոմիտեի կանոնադրության հիման վրա, մի կողմից, և ՀՀ քաղաքացի Մխիթար Ստեփանի Ավետիսյանը, (ն/ք. 006380810, տրվել է 16.11.2017թ 006 կողմից, ՀԾՀ 3814770234), (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

1.1. Սույն պայմանագրով՝ Կատարողը պարտավորվում է Պատվիրատուի հանձնարարությամբ մատուցել սույն պայմանագրի 1.2. կետում նշված ծառայությունները, իսկ Պատվիրատուն պարտավորվում է վճարել այդ ծառայությունների դիմաց:

1.2. Կատարողը պարտավորվում է մատուցել ձայնագրության և բաշխման ծառայություններ, այսուհետ՝ «Ծառայություններ»:

1.3. Ծառայությունների մատուցման ժամկետն է մինչև ս/թ հոկտեմբերի 31-ը: Կատարողն իրավունք ունի աշխատանքներն ավարտել ժամկետից շուտ:

1.3.1. Ծառայությունները մատուցված են համարվում Պատվիրատուի կամ նրա լիազոր ներկայացուցիչների կողմից հանձնման-ընդունման ակտի ստորագրման պահից:

2. Կողմերի իրավունքները և պարտականությունները

2.1. Կատարողը պարտավոր է՝

2.1.1. Ծառայությունները մատուցել պատշաճ որակով.

2.1.2. Ծառայությունները մատուցել ամբողջ ծավալով, սույն պայմանագրի 1.3. կետում նշված ժամկետում.

2.1.3. Պատվիրատուի պահանջով 5 /հինգ/ օրվա ընթացքում անհատույց վերացնել հայտնաբերված բոլոր թերությունները,

2.1.4. Անձամբ կատարել Ծառայությունները:

2.2. Պատվիրատուն պարտավոր է Ծառայությունների դիմաց վճարել սույն պայմանագրի 3-րդ կետում նշված գնին համապատասխան, Ծառայությունների հանձնման-ընդունման ակտի ստորագրման պահից 3 / երեք / բանկային օրվա ընթացքում.

2.2.1 Աշխատանքները ժամկետից շուտ ավարտելիս, ոչ բավարար ֆինանսական միջոցների դեպքում, վճարումը կատարել սույն պայմանագրի 1.3 կետով սահմանված ժամկետում:

2.3. Պատվիրատուն իրավունք ունի՝

2.3.1. Ցանկացած ժամանակ ստուգել Կատարողի Ծառայությունների ընթացքը և որակը՝ առանց միջամտելու նրա գործունեությանը.

2.3.2. Մինչև ակտի ստորագրումը՝ ցանկացած ժամանակ հրաժարվել պայմանագիրը կատարելուց՝ Կատարողին վճարելով սահմանված գնի այն մասը, որը համապատասխանում է մինչև պայմանագրի կատարումից Պատվիրատուի հրաժարման մասին տեղեկություն ստանալը մատուցված Ծառայությունների չափին:

3. Պայմանագրի գինը և վարձատրությունը

- 3.1. Սույն պայմանագրի գինը կազմում է 42 000 (քառասուներկու հազար) ՀՀ դրամ ներառյալ հարկերը:
- 3.2. Պատվիրատուի կողմից Կատարողին հասանելիք գումարը վճարվում է հանձնման-ընդունման արձանագրության հիման վրա աշխատանքները ընդունելուց հետո 20 աշխատանքային օրվա ընթացքում Կատարողի հաշվարկային հաշվին փոխանցելու միջոցով:
- 3.3. Հարկերը վճարվում են պատվիրատուի կողմից:

4. Կողմերի պատասխանատվությունը

- 4.1. Սույն պայմանագրի 1.3. կետում նշված Ծառայությունների մատուցման ժամկետը խախտելու համար Կատարողը Պատվիրատուին վճարում է տուգանք՝ պայմանագրի արժեքի 0.5 տոկոսի չափով և տույժ՝ կետանցի յուրաքանչյուր օրվա համար 0.05 տոկոսի չափով:
- 4.2. Տույժի վճարումը Կատարողին չի ազատում իր պարտավորությունները կատարելու և խախտումները վերացնելու պատասխանատվությունից:

5. Անհաղթահարելի ուժի ազդեցությունը (ՖՈՐՍ-ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

6. Վեճերի լուծման կարգը

Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7. Եզրափակիչ դրույթներ

- 7.1. Սույն պայմանագրում ցանկացած փոփոխություն և լրացում վավեր է այն պայմանով, եթե դրանք կատարված են գրավոր և ստորագրված՝ Կողմերի լիազոր ներկայացուցիչների կողմից: Սույն պայմանագրի հավելվածը հանդիսանում է պայմանագրի անբաժանելի մաս:
- 7.2. Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի (զեկուցագիրը ներկայացրած ստորաբաժանման) և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը, կամ նույն ստորաբաժանման կողմից ներկայացված ծառայությունների ընդունման փաստը հավաստող եզրակացությունը:

